

# *Bisaya*

Nag-unang Sinemanang Magasin Sa Binisaya

Enero 16, 2019

Karon,  
Available na sa  
National Bookstores  
ug Merriam &  
Webster Bookstores  
Nationwide!

## Mga Sugilanon

### Ang Motorsiklo ni Mario

Ni Bernito A. Dalit

### Ang Hiniktan ni Leoncio

Ni Renato S. Pono

## Katbahinam Nga Mga Nobela:

### Ang Bayok ni Gunong

Ni Ric Patalinjug

### Ang Mga Surbeyor Sa Liguasan Marsh

Ni Antonio Enriquez

# MARION AUNOR

Kuha ni Wilson Fernandez



Aron makatrabaho o makapalit og bisan unsa, ubp. Basaha-Manila Bulletin Advertisements & Classified Ads

## Sa Atong Hapin

Teksto ug hulagway ni ELEAZAR T. ACAPADO

# MARION AUNOR

## Gustong Makahimog Dugang mga Kanta nga Magustohan sa Katawhan

*kaya nakakatawa naman po,* matod sa singer/composer. Nagsugod ang music career ni Marion via Himig Handog Pinoy Pop Love Song Writing Competition sa ABS-CBN, diin ang iyang komposisyon nga "If You Ever Change Your Mind" naukaha sa ikatulong ganti. Sugod niadto, nagsunod-sunod na ang paggama niya og mga kanta, dili lang para sa kaugalingon kondili alang usab sa ubang mga artists.

Nakahimo usab si Marion og mga kanta nga gigamit nga themesong sa pelikula ug TV series, maong giangaan siyang Themesong Princess kaniadto. Pipila sa mga singer nga nahimoan niyang kanta mao sila si Lovi Poe, Kathryn Bernardo, Erik Santos, Jona (Jonalyn Viray), Alex Gonzaga, Xian Lim, Leila Arcasid, ug daghan pang uban.

Sa pagka karon, hapit na matapos sa dalaga ang iyang second college course. Nagtungha si Marion sa Berklee College of Music pinaagi sa online maong hapit na niya makab-ot ang gipangandoy nga master certificate in songwriting. Kini human niya matapos ang kursong Communication Technology Management sa Ateneo de Manila University.

Pangandoy ni Marion nga mahimoan niya og kanta sa umaabot nga mga adlaw sila si Sarah Geronimo ug Regine Velasquez tungod kay dako ang iyang pagdayag sa duha niya ka idolo.

*"I admire them both. Si Ms. Regine, since grade school pa lang ako fan na po ako. Si Ms. Sarah naman po parang Beyonce og Philippines. Ang galing po niya and ang po-evolve ng music niya,"* pasabot ni Marion.

Mao nga kon mahatagan og kahigayonan, gahinan niya kinig igong panabon aron makasulat ug makamugna siya og labing maayong kanta alang nila ni Regine ug Sarah.

Karon, gipangandaham ni Marion ang ikatulo niyang album, nga maoy una niya alang sa Viva Records. Ang unang duha ka album gigama niya alang sa Star Records.

Malipayon ug excited siya nga makapokus na usab sa iyang kaugalingong musika.

*"Exciting po 'yung mga pangyayari sa career ko ngayon. Full of new challenges and opportunities kaya nagpapasalamat po talaga ako kay Boss Vic (del Rosario) and my Viva family sa pag-guide nila sa career ko. I want to write songs na mas makaka-relate ang maraming tao at mas magiging patok sa media,"* maoy pu'ng ni Marion. —

TUNGOD sa padayong pagsulbong sa showbiz career sa talented singer/songwriter nga si Marion Aunor, wala ug tuo karon ang mga proyekto sa panganay nga anak ni Ms. Lala Aunor.

Bisan og kadaghanan sa iyang gikompos nga mga kanta alang ubang mga singer, padayon usab siyang nagmugna og kaugalingong hit songs.

Ang latest nga kanta ni Marion nga mi-click karon og daghan ang na-LSS (last song syndrome) mao ang "Akala" nga nabimong themesong sa pelikulang "The Day After Valentine's" nga gibidahan nila ni Bela Padilla ug JC Santos. Unya migawas na usab karon ang gimugna niyang kanta nga "Lantern" alang kang Sharon Cuneta. Gani, mapasigabohon si Marion nga gikanta sa Megastar ang usa sa iyang mga komposisyon.

Sa laing bahin, malipayon usab si Marion kay sa kasamtangan, ang kantung "Akala" misobra na sa 10 ka milyon ang stream.

*"Almost ten million streams na po siya sa Spotify and nag-chart din siya sa iTunes and sa Spotify nag-viral, nag-Top 50.*



[Hulagway/katawhan Wilson Fernandez]

## Ang Mahalon nga mga Evening Gown ni

### ShowbizTsika

Ni Henaga A. Gagipin

# Catriona Gray

ANG bag-ong nakoronahan nga Miss Universe 2018 nga si Catriona Gray nahimong trending sa social media dili lang tungod sa iyang kaanyag ug pangutok apan usab sa iyang gipangsul-ob before and during the pageant.

Gikuha sa Pinay beauty queen ang serbisyo ni Mak Tumang aron maoy modisenyo sa tanan niyang Filipino-inspired costume ug gowns.

Pipila sa obra maestra sa iladong designer mao ang evening gowns nga gisul-ob ni Catriona sa preliminaries ug coronation night nga gibase sa "Ibong Adarna" ug "Mayon Volcano."

Gitug-an ni Mak kon pila ang presyo sa mga outfit nga gisul-ob sa Bicolana model sa mahinungdanong higayon sa Miss Universe 2018. Hinuon, wala niya isulti ang eksakto nga balor, apan gibutyag niya nga mokapin sa usa ka milyon ka pesos ang matag gown.

Mahal tuod ang maong mga gown apan gipasabot ni Mak nga misaka ang presyo niini tungod sa mga materyal sa matag outfit, nga gidarorohan og daghang mahalon nga mga bato.

*"Ang brwat isa, hindi bababa sa isa (milyon). For the materials, yung na-compute namin [ay] 1 million... Materials pa lang so wala pa yung labor and ibang ginastos doon,"* pu'ng pa ni Mak.


Dugang niini, gibutyag usab sa designer nga ang paggama sa sikat na karon nga mga gown dili gamay nga trabaho kay nagkinahanglan kinig 16 ka tuwo aron mahipno ang obra maestra alang sa usa ka maanyag nga Pilipina. Naghimo usab siya og pito ka sketches aron duha silay daghang opsiyon nga papilian ni Catriona sa panabon sa importanteng coronation night.

*"Yung humawak niyon, nasa 16 people... For the final sketches, nag-produce ako ng 7 sketches. Yung 5 concepts doon, original ko. Yung dalawa doon, sa kaniya. Pero yung napili, yung Mayon and Adarna [were] my proposals talaga..."* Maoy tug-an ni Mak Tumang.

Ang "Ibong Adarna" nga gisul-ob niya nga preliminary gown inspired sa "Ibong Adarna" usa ka prominenteng Filipino folklore. Samtang sa laing bahin ang lava gown nga gisul-ob niya sa coronation night inspirasyon usab sa iconic Mayon Volcano sa Albay. *These gowns are fit for a queen and artworks to wear!*

Sa pagdaog ni Catriona sa Miss Universe, gikonsiderar siya nga usa ka modern-day Daragang Magayon. Kay gihambin niya ang kaanyag, kalantip sa salabotan ug nagbaga nga pasyon sa pagtabang ilabi na sa kabataan sa Tondo.

Si Catriona Gray mao ang usa sa labing popular sa mga nakoronahan nga Miss Universe. *She is really on fire. She erupts with lava of grace and goodness.* Gani, mibanaw ang dakong paglaom ug garbo sa mga Pilipino sa pagsul-ob niya sa \$250,000 o P12.5 M nga Mikimoto crown. —



Cash Louie

Gray



Gipakita ni Becky Wang ang daghang bunga sa barayti sa siling pangtinuwa nga Point Man. Dili kini halang kon linghod pa apan labihan usab niining halanga kon hinog na.

## NAHILAHING SILING PANGTINUWA GIKAN SA KNOWN-YOU SA TAIWAN

Ni ZAC B. SARIAN

**N**IADTONG mingbisita mi sa *experimental farm* sa Known-You Seed sa Taiwan, nangutana mi kang Becky Wang kon halang ba ang tanang ginama nilang siling pangtinuwa. Si Becky Wang usa ka dalagang *plant breeder* nga *in-charge* sa paggama og *hybrid* nga sili. Unsay iyang tubag? Oo, halang ang tanan gawas lang sa usa ka bag-o nilang nadiskobrehan apan ingon sa dili kaayo interesado ang mga tinugyanan sa *marketing* kun paghaligya sa mga binhi. Basin kon wala kaayoy mopalit niini.

Ang maong nahilahing barayti mao ang Point Man. Nagpupo si Becky og usa ka lunhaw nga linghod nga

bunga apan dako na usab. Giputol niya kini ug gipatilawan kanako. Naka-wow ko sanglit nabinumdoman nako ang matang sa sili nga pangtinuwa usab nga gitanom sa mga mag-uuma sa Dakbayan sa Batac diin kami nagdako. Lamian kini ug walay halang ug maayong isagol sa *pinakbet* alang niadtong dili mokaon og *pinakbet* o kaha niadtong dili mokaon og halang nga mga pagkaon. Payde usab kining lutoon nga sama sa adobo nga walay laing sambog nga utanon. Yano lang. Lutoon kini sa diyotayang tubig, suka, ahos, ug pipila ka hiwa sa karne sa baboy o kaha bagnet ug templahan kinig asin ug patis. Ingon lang niana kayano.



Amo usab nga gipangutana si Aubry Ancheta kon nagpadunggo na ba silag binhi sa Point Man dinhi sa Pilipinas. Si Aubry naghupot og taas nga katungdanan sa Known-You Philippines nga nagpakatip dinhi og mga binhi nga gama sa Taiwan. Unsay iyang gisulti? Wala pay gipadala nga binhi sa maong barayti dinhi sa atong nasod. Ingon sa nakita nilang wala kaayoy ganahan mopalit niining matanga sa siling pangtinuwa. Apan gipatin-aw usab ni Becky nga kon mohamtong na ang mga

Tag-as ang bunga sa Point Man nga siling pangtinuwa.

# Catriona Gray

## Miss Universe 2018

NI BLESSIE SAMANTHA

**B**ULAHAN na sab ta! Sa unang bahin pa lang sa sayong pagpangandam niini lang milabayng Disyembre 13 kalabot niining labihan kaprestihisoyong kompetisyon sa tibook kalibotan (mas pamoso sa *figure of speech* nga "entire universe"), sa 94 ka kandadidata, *standout* gyod dayon ang atong pambata nga si Catriona Gray sa gipahigayong *preliminary competition* didto sa Bangkok, Thailand.

"Gray really received loudest cheers from the audience!" tuaw sa usa sa mga Pilipina (OFW) nga nakasaksi sa talagsaong pagpangandam sa "Miss U" sa dihag gipangayoag komento sa usa ka TV reporter sa Thailand. "I am a Filipina and I should be proud of Mabuhay, Pilipinas!"

Nakasulod dayon sa Top 20 si Catriona. Ang Top 20 maoy mi-compete sa *Grand Finals' coronation night* niadtong petsa 17 sa Disyembre.

Sa *opening segment* sa naasoyng *preliminaries*, ang atong 24 anyos nga mestisa Bikolanang *model-singer* ug *record holder* gayong *beauty queen* sa mga "search" dinhis Pilipinas, wala gayod maiwiw sa dihag mirampa na uban sa 93 ka kandadidata gikan sa nagkalainlaing nasod. Sa naasoyng *opening production number*, gipangsul-ob sa *candidate* ang *costume* nga pulos disenyo sa *world's famous and award-winning fashion designer* nga si Sherri Hill.

Sa gabii sa usa pa ka bahin sa *evening gown competition*, morag nahiturok ug nakapanglad-ok sa kahingangsa ang kadaghanan pagkakita kang Catriona Gray. Si Catriona morag ang bug-ong diwata sa Bulakang Mayon nga matultolong mirampa ug *mi-slow mo turn* sa *runway* pinaagi sa iyang "lava walk" sul-ob ang *custom-made gown* nga gidisenyo sa Kapampangang *fashion designer* nga si Mak Tumang.

Maingon nga bulahan sab kaayos Catriona tungod kay sa *swimsuit competition*, ang gipasal-ob kaniya maoy gayod kaditong dinisenyo sa pinalangang prinsesa sa Thailand nga si Sirivannavari Nariratana.

Ning tuiga, sa *Grand Finals Night*, pulos bubaye ang napili nga maoy motibuk sa *panel of judges* diin gipangunahan nilang Bui Simon (Thailander nga Miss Universe sa 1988), ug Michelle McLean, (Namibian Miss Universe sa 1992).

Gikan sa kinatibuk-ang 94 down to Top 20 dayon Top 10! Sama sa iyang gibuhlat sa *preliminaries*, sa pagrampa mipakita na sab sa iyang *iconic slow-mo turn* si Catriona sa pamoso kaayo niyang "lava walk".

Sa Swimsuit, sa gihapon, dinisenyo sa prinsesa sa Thailand ang

*Ikaupat nga korona nga naangkon sa Pilipinas sa kasaysayan sa "Miss U" sukad sa 1952.*

gisul-ob ni Catriona nga kolor orange uban ang 9 ka bagtik nga mga kandadita: South Africa, Vietnam, Venezuela, Costa Rica, Curacao, Nepal, Canada, Thailand, ug Puerto Rico.

Sa iyang *15-second opening statement*, si Catriona nagkanyon: "Working in some of the poorest areas of my country, I found that it was a lack of child support not poverty that killed their dreams. A child once told me, 'Cat, it's just not my life and those dreams are not for me' but I stand here today because someone believed in me and we owe it to our children to believe in them." Ug sa siya gipangutana unsay iyang *staid* sa paggamit sa *marijuana* (for legal use), ang iyang tubag: "I'm for it being used for medical use, but not so for recreational use. Because I think if people will argue then what about alcohol and cigarettes? Everything is good but in moderation."

Bulahan na sab ang Pilipinas sa kalamposang nakab-ot ni Catriona. Kining pagdaog ni Catriona Gray maoy ikaupat nga koronang naangkon sa Pilipinas sa kasaysayan sa "Miss U" sukad sa 1952. Nauna kang Catriona sila si Gloria Diaz (1969), Margarita Moran (1973), ug Pia Wurtzbach (2015).

Mabuhay, Filipinas! —

